



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Thomæ A Kempis Canonici Regvlaris Ord. S. Avgvstini De
Imitatione Christi Libri Qvatvor**

Thomas <von Kempen>

Antverpiæ, 1617

Cap. XXII. De consideratione humanæ miseriæ.

[urn:nbn:de:hbz:466:1-45760](#)

& dic cum Propheta: Ciba me Do- *Psal.79*
mine pane lachrymarum, & potum
da mihi, in lachrymis, in mensura.

CAP. XXII.

De consideratione humanae misericordiae.

MISERES, vbi cumque fueris,
& quocumque te verteris, ni-
si ad Deum te conuertas. Quid tur-
baris, quia non succedit tibi, sicut vis
& desideras? Quis est, qui habet *Eccle.6.*
omnia, secundum suam voluntatem?
Nec ego, nec tu, nec aliquis hominum
super terram. Nemo est in mundo,
sine aliqua tribulatione vel angustia,
quamvis Rex sit vel Papa. Quis est,
qui melius habet? utique qui pro
Deo, aliquid pati valet.

Dicunt multi imbecilles & infir- *Luc.12.*
mi, Ecce, quam bonam vitam ille ho-
mo habet, quam diues, quam magnus,
quam potens & excelsus? Sed atten-
de ad cælestia bona, & videbis quod
omnia ista temporalia, nulla sunt; sed
valde incerta & magis grauantia, quia
nunquam sine sollicitudine & timore
possidentur. Non est hominis felici- *Prov.19*
tas,

tas, habere temporalia ad abundan-
Iob 14 tiām, sed sufficit ei mediocritas. Verē
Eccle. 2. miseria est, viuere super terram. Quā-
tō homo voluerit esse spiritualior, tā-
tō præsens vita sit ei amarior; quia
sentit melius, & videt clariū huma-
næ corruptionis defectus. Nam com-
edere, bibere, vigilare, dormire,
quiescere, laborare, & ceteris necessi-
tatibus naturæ subiacere; verē magna
miseria est, & afflictio homini de-
uoto, qui libenter esset absolutus, &
liber ab omni peccato.

3 Valdè enim grauatur interior ho-
mo, necessitatibus corporalibus in
hoc mundo. Vnde Propheta deuote
rogat, quatenus liber ab istis esse va-
Psal. 24 leat, dicens: De necessitatibus meis
erue me Domine. Sed vœ, non cog-
noscentibus suam miseriam: & am-
plius vœ illis, qui diligunt hanc mife-
Rom. 8. tam & corruptibilem vitam. Nam in-
cantum quidam hanc amplectuntur
(licet etiam vix necessaria laborando,
aut mendicando habeant) ut si pos-
sent h̄c semper viuere, de regno Dei
nihil curarent.

Rom. 8. 4 O insani & infideles corde, qui
tain

tam profundè in terris iacent, vt nihil, nisi carnalia sapiant. Sed miseri, adhuc in fine grauiter sentient, quām vile & nihilum erat, quod amauerunt. Sancti autem Dei, & omnes deuoti amici Christi, non attenderunt, quæ carni placuerunt, nec quæ in hoc tempore floruerunt: sed tota spes eorum & intentio, ad æterna bona anhelabat. Ferebatur totum desiderium ipsorum sursum ad mansura & inuisibilia, ne amore visibilium traherentur ad infima. Noli frater amittere confidentiam proficiendi ad spirituallia, adhuc habes tempus & horam.

1. Pet. 1

Heb. 11

Rom. 13

Heb. 10

Quare vis procrastinare propositum tuum? Surge, & in instanti incipe, & dic: Nunc tempus est faciēdi, nunc tempus est pugnandi, nunc aptum tempus est emendandi. Quando male habes, & tribularis, tunc tempus est promerendi. Oportet te transire per ignem & aquam, antequam venias in refrigerium. Nisi tibi vim feceris, vitium nō superabis. Quamdiu istud fragile corpus gerimus, sine peccato esse non possumus, nec sine tædio & dolore viuere. Libenter habere-

Psal. 65

Rom. 7 beremus ab omni miseria quietem;

Genes. 3 sed quia per peccatum perdidimus innocentiam, amisimus etiam veram

2. Cor. 5 beatitudinē. Ideò oportet nos tenere patientiam, & D E I expectare misericordiā; donec transeat iniquitas hæc, & mortalitas absorbeatur à vita.

Gen. 6. 6 O quanta fragilitas humana, quæ semper prona est ad vitia? Hodie con-

fiteris peccata tua, & cras iterūm perpetras confessa. Nunc proponis caue-

2 Mach. 9. & post horam agis, quasi nihil pro- posuisses. Meritò ergo nosipos humiliare possimus, nec vñquam ali-

quid magni de nobis sentire; quia tam fragiles & instabiles sumus. Citò et- iam potest perdi per negligentiam,

quod multo labore vix tandem ac- quisitum est per gratiam.

7 Quid fiet de nobis adhuc in fi- ne, qui tepeſcimus tam manè? Væ nobis, si ſic volumus declinare ad quietem, quasi iam pax ſit & ſecuritas, quum necdum appareat veſtigium veræ ſanctitatis, in conuerſatione no- stra. Benè opus eſſet, quòd adhuc ite- rūm institueremur, tamquam boni nouitij ad mores optimos: ſi forte ſpes eſſet

eset de aliqua futura emendatione, &
maiori spirituali profectu.

C A P. XXIII.

De meditatione mortis.

I VALDE citò erit tecum hîc fa- *Iob 9.*
ctum, vide aliter quomodo te *¶ 14.*
habeas: hodie homo est, & cras non *¶ 12. ¶*
compareret. Cùm autem sublatius fue- *Heb. 9.*
rit ab oculis, etiam citò transit à men-
te. O hebetudo & duritia cordis hu-
mani, quod solùm præsentia medita-
tur, & futura non magis præuidet. Sic *Matt.*
te in omni facto & cogitatu deberes *¶ 25.*
tenere, quasi hodie es es moriturus.
Si bonam conscientiam haberes, non *Lur. 12.*
multùm mortem timeres. Melius ef-
set peccata cauere, quàm mortem fu-
gere. Si hodie non es paratus, quo-
modo cras eris? Cras est dies incer-
ta, & quî scis, si castinum habebis? *Mat. 24.*
¶ 25.

2 Quid prodest diu viuere, quan-
do tam parum emendamur? Ah lon-
ga vita non semper emendat, sed sâpè
culpam magis auget. Utinam per vnâ
diem benè essemus conuersati in hoc
mundo. Multi annos computant cō-

C uer-